

Dominee Hessen ta celebra 50 aña como Dominee



ta predica den sirbishinan unda cu nan ta puntr'e, pero regularmente den sirbishinan na Amsterdam, unda e ta yuda e domi di Evangelische Broedergemeente.

ORANJESTAD - Awe, 17 di augustus 2006, dominee Hessen ta recorda cu e ta sirbiendo Dios pa 50 aña. Na augustus 1956 el a regresa Suriname, despues cu el a finalisa su estudio di Theologie na Hulanda. Te cu aña 1965 el a traha como domi di Evangelische Broedergemeente (Hernnhutters) na Suriname. Despues domi a keda te cu 1971 na Corsow. Di 1971 pa 1992 el a traha na Aruba sirbiendo Dios. Como domi el a traha na Kerki Portestant na Piedra Plat y San Nicolaas mas tanto. Na aña 1992 domi y su señora a bai biba na Hulanda despues cu domi a baha cu pensioen unda dominee Hessen tabata studentenmentor di Den Haag pa algun aña y tabata yuda na Arubahuis cu trabao di traduci. Tambe nos domi tabata den redaccion di Noticiero Aruba y a duna les di Aleman. Durante tur e añanan na Aruba, dominee Hessen tabata activo tambe ariba diferente tereno. El a duna Godsdienst y Aleman na Colegio Arubano y tabata entre otro voorzitter den Bestuur di Avondonderwijs pa Havo. Tambe el a duna les di Aleman na Enseñansa pa Empleo, e tabata entre otro onder-voorzitter den Bestuur di ATHA di Aruba y den Padvinderij como voorzitter di groepscommissie di Santanergroep. Tambe e tabata den Oudercommissie di Mon Plaisir Kleuterschool. Na april 1991 dominee Hessen a wordo condecora como Ridder in de Orde van Oranje Nassau. Awor aki dominee Hessen ta e representante oficial pa ATHA di Aruba na Hulanda cu ta mantene contacto cu instancianan. Tambe e ta secretario den un Huurdersvereniging y e